

0.42.2. 112

RELATIO

FACTA IN CONSISTORIO

SECRETO CORAM S. D. N.

GREGORIO PAPA XV.

FRANCISCO MARIA

EPISCOPO PORTVENSI


S. R. E. CARD. A MONTE

DIE 19. IANVARII M. DC. XXII.

SVPER VITA, SANCTITATE,

actis Canonizationis, & miraculis B. FRANCISCI

XAVIER & Societate IESV.



MEDIOLANI,

Apud hæred. Pacificij Pontij, & Ioan. Baptistam Piccalcum,
Impressores Archiepiscopales. M. DC. XXII.

RELIQUIA
FACTA IN CONSTITUTIO

Denno Imprimatur.

Fr. Franc. Carenza Vic. Rofe, & S. Inquisitionis Mediolani.

Al. Bofius Can. Ord. Theol. pro Illustrijs. D. D. Card. Archiep.

Vidis Sacrum pro Excell. Senatu.

LIBRARI M. D. C. XXII

STATUTUM
LIBRARI M. D. C. XXII



MEDIOLANI

LIBRARI M. D. C. XXII

Diuinæ prouidentia consilio statutum est, Pa-
 ter Beatissime, vt Christus Deus, & homo
 ineffabili mysterio in tempore de Virgine
 natus, diuinæ legis splendore humanum
 genus ad salutem illustraret: quem propte-
 rea Aeterni Patris nomine ita Isaiâs allo-
 quitur: Ecce dedi te in lucem gentium, vt sis salus mea vs-
 que ad extremum terræ. Non tamen omnibus per se ipsum
 Christus hoc beneficium contulit: sed intra Iudeæ fines se-
 couituit; inde vero Apostolos, tamquam Sol splendidis-
 simos radios, misit in vniuersum mundum prædicare. Euân-
 gelium, nec Apostoli electi à Deo nuncij omnes orbis terræ
 prouincias peragrarunt. Sed cū falli non possit diuini Ora-
 culi vox, quæ de illis prædixit: In omnem terram exiuit so-
 nus eorum, & in fines orbis terræ verba eorum: Apostolis
 Apostolici viri successerunt, qui ab hac Sancta Sede missi
 Christum Dei salutem, ac veram mundi lucem alijs subin-
 de prouincijs prædicarunt.

Hos inter Seruus Dei Franoiscus Xauerus ita eluxit, vt in eò
 diuini Oraculi pars illa impleta esse videatur: Et in fines or-
 bis terræ verba eorum. Diuino enim beneficio segregatus
 in Euangelium Dei, quæ immensa patet Oceani littora ad
 orientem solem, deduxit sonum Apostolorum, Et in fines
 orbis terræ verba eorum. Nam vt taceam Indos, Brachma-
 onas, & Malabares, ad quos aliqua Euangelij fama olim ema-
 nauit, & multorum seculorum ætatibus obliterata Xau-
 erij prædicatione reuixit: ipse primus Parauis, Malais, Iais,

et ceteris

A 2

Accenis,

Acenis, Mindanais, Moluccensibus, ac Iaponibus apostolico sane spiritu, & virtute Euangelicæ lucis fulgorem induxit, & salutem annunciauit. Ultra quas prouincias ad Orientem solem nihil reliquum orbis terrarum habet.

Nuncius tamen ille hinc discessit apostolicus, à Paulo III. Pontifice Summo missus, vt illis gentibus salutem nunciaret: & Apostolus inde reuertitur. hoc enim nomen apostolicis factis primùm in Lusitania obtinuit; deinde in India, Iaponia, Sina, & reliquis Orientis prouincijs conseruauit: communi enim omnium cōsensu non nisi Apostolus nominatur. Meritoq. tam honorifica appellatione dignus censetur, qui apostolico sane spiritu in tot prouincijs Euangelium prædicauit; ita Domino cooperante, & sermonem Serui sui confirmante sequentibus signis, vt multa centena hominū millia doctrina, & miraculis Apostolorū miraculis similis, ab idolorum seruitute ad veram libertatem filiorum Dei traduxerit, in fide instituerit, & propria manu baptizauerit; inter quos Reges, ac Principes non pauci numerantur. Quod Apostoli nomen, ab hominibus Seruo suo tributum insigni miraculo Deus confirmasse videtur: cum illi non solum miraculorum, sed etiam linguarum dona concesserit, quibus olim Apostolos Hierosolymis ad prædicationem Euangelij armauit.

Apostolus igitur ad hanc Sanctam Sedem reuertitur, qui Apostolicus Nuncius ab illa missus est, vt fructum afferret: & fructus eius manet; quem tu Summe Sacerdos benedicas, & Deo offeras. illius enim fructus sunt tot millia hominum Catholicæ Ecclesiæ aggregata; tot illustrium virorum gloria, qui in illis prouincijs, in quibus Euangelium prædicauit, pro fide tuenda sanguinem profuderunt, hodieq. profundunt; constantia, & patientia, qua innumeri confessores inter acerbissimas persecutiones fidem tuentur. illius etiam fructus

fructus est nomen, & fama, quam apostolicæ sanctitatis
vbique obtinuit, & desideria totius Ecclesiæ de illius Ca-
nonizatione. nulla enim natio est in orbe christiano, quæ
Xauerium eximie Sanctum non prædicet, cupiatq. plenos
illi beatorum honores ab hac Sancta Sede protantis meri-
tis tandem decerni.

Hæc igitur celebris famæ, communisq. Ecclesiæ vox, ac desi-
derium Pauli V. fel. rec. animum inclinarunt, vt ad preces
totius Societatis I E S V, illiusq. Præpositi Generalis in or-
dinem ad Canonizationem de vita, & Sanctitate huius he-
roici viri iuxta sacros Canones inquire iusserit: proptereaq.
fabricatis processibus de iure, ac stylo necessarijs, illisq. ma-
turè per plures annos discussis, hodie in eo statu causa ver-
satur, vt legitimè instructa videatur. & iussu S. V. coram
amplissimo Sacro Senatu illius statum relaturus, breuitari
consulendo, tripartito ordine illum explicabo.

Primo, vitam, actiones heroicas, virtutes huius Serui Dei pro-
ponam.

Secundo, res huiusmodi causa ordinatim gestas.

Tertio, miracula insignia à Deo eius intercessione facta: vt si
priora duo S. V. approbatione digna esse iudicauerit, & hæc
postremam partem recensendam decreuerit: rogaris de mo-
re singulorum Reuerendissimorum DD. meorum senten-
tijs; quid pro Dei gloriâ, & Catholicæ fidei exaltatione ma-
gis expediat, deliberare, & statuere possit.

DE VITA.

IN ea Nauarræ parte, quæ trans Pyrenæum montem ad Hispaniam pertinet, natus est Seruus Dei Franciscus Xauerus anno Domini millesimo quadringentesimo nonagesimo septimo, in castello Xauier, à nobilibus parentibus Ioanne Iasso regij eiusdem prouinciæ consilij præside, & Maria Azpilcueta Xauerij oppidi, & aliorum circa locorum dominis, à quibus piè educatus, & christianæ disciplinæ rudimentis diligenter instructus, ubi ætas adoleuit, Lutetiam Parisiorum missus est: vt in celebri illa academia litterarũ studijs animum excoleret. Cumque de eo domum reuocando pater cogitaret, Maria Magdalena Francisci soror, quæ Gandiæ discalceatarum Virginum magna sanctitatis fama Monasterium regebat, de patris consilio, ac fratris futura gloria diuinitus edocta, ad patrẽ scripsit: Parisijs Franciscum omni ope foueret, vt in studijs pergeret, etiam si opus esset domesticum censum in eare exhaurire: quia nimirum electus à Deo noui orbis Apostolus erat.

Parisijs ergo amicitiam contraxit Franciscus cum Ignatio Loyola Societatis I E S V postea parente, & fundatore; qui cum ad diuinam gloriam procurandam sociũ à Deo multis obtinuit precibus, & lacrymis: spiritualibusq. exercitationibus instruxit. Quibus ille tantum profecit; vt Euangelicæ perfectionis amore incensus, sæculi honoribus, ac diuitijs contemptis, durum, ac vile vitæ genus eodem B. Ignatio duce animosè aggressus sit, & constanter profecutus. Victum emendicando quærebat; orationi, & diuinis rebus vacabat semper; corpus ieiunijs, alijsq. pœnis affligebat. Egredessus Parisijs in Italiam venit; & dum peregrinandi in Palestina

lastinanti tempestatem expectat cum socijs, vt Turcarum
conuersioni ibi incumberent, cuius rei voto se astrinxerāt:
Venijs, Bononiæ, alijsq. vrbibus præclaro sanctitatis exē-
plo, & spiritus ardore, concionando, alijsq. pietatis, & cha-
ritatis officijs proximorum saluti indefesso incubuit stu-
dio. Venijs ad titulum paupertatis sacerdos creatus, ma-
gno humilitatis, & charitatis exemplo ægrotis in hospitali
domo inferuiuit, illis familiarius assistens; quorum aspe-
ctum propter insanabiles morbos, ac vulnera reliqui ferre
non poterant. & vt gloriosiore de se victoriam reporta-
ret, sæpe aquam hausit, qua illorum vulnera lauerat.

Sublata igitur nauigandi eo anno spe, Romam cum alijs so-
cijs venit, quemadmodum inter omnes conueherat; vt se
Summo Pontifici sisterent, offerrentq. in quascunq. veller
prouincijs amandare ad proximorum salutem procuran-
dam, vitamq. hic spiritualibus exercitationibus, ac labori-
bus pro diuina gloria ditissimam, cæterum pauperrimam,
& asperandum agerent; iactis primis Societatis I. E. S. V.
fundamentis, Ioannes Lusitaniæ Rex, Orientalis Indiæ cō-
uersioni maxime intentus, à Paulo Papa III. suppliciter pe-
riit, vt ex Ignatij socijs, quos sanctitatis, & doctrinæ fama
ad eam expeditionem aptissimos iudicabat, aliquos sibi mit-
teret, qui Euangelium vastissimis illis in prouincijs pro-
mulgarent.

Inquam rem Ignatius, cui Summus Pontifex negotium com-
miserat, Franciscum nominauit: qui Apostolici Nuncijs di-
gnitate, ac potestate à Pontifice instructus, Indiæ Aposto-
lus iuxta sororis vaticinium à Deo electus, sine mora profi-
ciscitur: eaque sanctitatis, & Apostolici ardoris signa exhi-
buit in Lusitania, vt communi omnium voce Apostolus
dictus sit. quod nomen non solum ipse dum vixit, & post
obitum obtinuit, verum in illius memoriam, ac veneratio-
nem,

nem, quâ Lusitanum imperium per Europam, Africam, & Asiam, & nouum patet orbem, omnes de Societate I E S V Apostoli nominantur. tantum enim fidelis Dei seruus apostolicis factis, & sanctitate promeruit, vt non solum sibi gloriosum nomen, sed suis etiam comparauerit.

Ex Lusitania in Indiam soluit: nec vllis regij Prætoris precibus adduci vnquam potuit, vt viatici nomine aliquid acciperet præter vilem centonem. Mendicando victum quærebat in nauibus: in publico dormiebat, nautico fune pro lecto vtens: ægrotis omni ope semper præsto erat, illis cibos, si indigerent, non solum à ditioribus procurabat, sed propria etiam manu, & industria parabat, ac diuidebat, non veritus etiam illorum vestes lauare, aut aliquod officij genus, quamuis vilissimum, illis exhibere; in quibus prudens Christi seruus ipsum Christum semper agnouit, & veneratus est. Vt sacramenta illis ministraret, periclitantibus adesset, & mœrentes solaretur, totas noctes vigilabat indefessus, diebus in summo labore, & oratione transactis. vnde aliqui dicere soliti sunt, Francisci delicias esse præter orationem, ægrotis inferuire. Quod viuendi institutum non solum in hac, sed in omnibus nauigationibus, in quibus deinceps magnam vitæ partem posuit, cōstantissime retinuit. Nec solum in mari eius charitas ita in pauperes, & ægrotos eluxit, sed dū in vrbibus moraretur, nihil ab hoc instituto vnquam remisit. Quin omnibus omnia factus, vt Christo omnes lucrificaceret, reliquos homines, qui vel propter pinguiorem fortunam, vel propter valetudinē eā opera non indigebāt, alijs non minoribus officijs persecutus semper est; nulliq. vnquā labori pepercit, quo proximorū saluti pdesse posset.

Indiam vt attingit post tam longam nauigationem, quæ annū tenuit, curando corpori nullum tempus dedit: sed ignem quem in illas prouincias mittere venerat, statim coepit

par-

spargere. Pueros, ac rudem plebem per urbē tintinabulo vocabat, cogebatq. in aliquam Ecclesiam, in qua omnes doctrinam Christianam edocebat ea spiritus efficacia, vt altissimè in omnium corda penetraret, veluti doctrina ipsa Apostolorū. Orationes per plateas, ac domos vt decantarent, omnibus persuasit, & in domibus cuique suis familiaribus eas traderent. Qui mos ab eo inductus, hodie in India, magna Dei gloria, perseverat.

Adultos ad confessionem, ac pœnitentiam peccatorum, Christianaq. vitæ sanctitatem omnibus officijs inuitabat. Ethnicos ab idolorum seruitute ad veram filiorum Dei libertatem indefesso studio, & per aperta vitę discrimina vocare nusquā destitit, in ignotas, & abditas penetrās prouincias, nudis sæpe pedibus, laceris vestibus, & mendicis. Qua in re ita serui sui conatibus Deus adfuit, clarissimis, & Apostolorum similibus miraculis sermonem illius vbique confirmans, & interior auditorum corda mouens: vt multa centena hominum millia ad fidem conuerterit, & baptizauerit, multos vitiōum cœno pertinaciter immerfos, magnis ad id susceptis peregrinationibus, nauigationib. & corporis afflictionibus, extraxerit. Multa sunt Regna, Prouinciæ, & Insulæ, per quas Cæli, ac Romanæ Sedis Nuncius verbum Dei seminauit. Tandemq. dū aditum Euangelio quærir in vastissimū Sinarum imperiū, laboribus supra humanas vires pro Dei gloria fractus, & cœlesti Christi videndi ardore extenuatus, in Sanciano deserta insula ad patriam, & nuptias Agni euocatus fidelis seruus, in gaudium Domini introiuit.

DE VIRTUTIBVS.

Apostolici huius viri clarissimarum virtutum insignibus excellens sanctitas, per RR. PP. Rotæ Auditores firmata, & per Sacram Rituum Congregationem legitimè comprobata, apertè ex dicendis manifestatur.

B DE

D E F I D E.

Fides in excellenti gradu in eo floruit; quam non solum per Sacramentorum deuotam susceptionem, & indefessam ministrationem professus est: sed heroicis etiam operibus: susceptis ad eam prædicandam per barbaras, & ignotas prouincias, ac maria magnis peregrinationibus, & navigationibus, per aperta vitæ pericula, & sine vlllo humanæ opis auxilio exprimens in se ipso Euangelicæ doctrinæ, quam prædicabat, puritatem, & sanctitatem. Attulitq. eius fides in millia millium per vastas illas prouincias propagata; & allatura in posterum est, fructum benedictionis in horrea Domini. Ex quibus rebus ea virtus eminenter in illo claruisse patet.

D E S P E.

Firmam habuisse spem planum est: cum in eo omnia illa abundanter concurrere probentur, quæ cum tali spe indissolubili nexu sociantur: nempe Despectus temporalium rerum, voluntaria ærumnarum Perpassio, Aggressio difficilium, Securitas in periculis, Gaudium in aduersis. Nam Despectus temporalium apparet, quòd spreto mundanis honoribus, diuitijs, feudalibus castrorum successionibus, dignitatibus, & commodis humilem vitam, religiosamq. paupertatem sub obedientia in viridi ætate est amplexus: Quo ad voluntariæ ærumnarum Perpassionem, euidentissime constat illa: quia cunctis reiectis commodis, ærumnas plurimas, maximosq. labores propter Christum voluntarie suscepit, ut inferius suo loco designabitur: ita ut quânto maiores illius fuerunt, labores & grauiores ærumnæ, tanto etiam in eo feruentiorem spem fuisse affirmandum sit. Quo ad Aggressionem difficilem, illam decet plurima ardua, & humana vires prorsus excedentia, quæ toto vitæ cursu perfecisse proba-

probatum; inter quæ duo tantum, ne longior sim, narranda cen-
 sui. Primo videlicet, admirabile illud: quod, cum magnis ite-
 neribus per montium cacumina numerosus Badagarum exer-
 citus in Regnum Trauancor, atq. Promontorium Comori-
 ni furens excurreret in ruinam Christianorum, quos ipse ba-
 ptizauerat; Xauerius solus, inuictæ in Deum fiduciæ clypeo
 rectus, obuiam barbaris processit, militesq. seuerè increpauit.
 Stetit illi hæc exercitus immobili vestigio, nec progredi ulte-
 rius potuit. quin etiam Ducibus pergere volentibus respon-
 debant milites, progredi se nequaquam posse, & cernere e-
 regione altantem cum Xauerio virum quendam magnum,
 & maiestatem terribilem, nigra veste indutum, qui eos terre-
 bat: neque ardorem ex vultu atque oculis illius emicantem
 ferro se diutius posse. Quod cum ipsi etiam Duces experiren-
 tur, retorcessit totus exercitus, atque ab incepto destitit; vi-
 ctorq. Xauerius Christianos, quos Christo pepererat, à cræ-
 de & rapinis liberauit.

Aggressionem difficilium ostendunt etiam cum admiratione,
 tot peregrinationes susceptæ ad infideles populos, incogni-
 tos, & barbaros, cum aperto vitæ periculo, solo studio diui-
 næ gloriæ propagandæ. Securitatem in periculis in illo flori-
 uisse certissimum est, cum probetur sine cura fuisse in medijs
 curis, & sæpius sine metu fuisse imminente naufragio, secu-
 rum ingruentibus hostibus, securum in infirmitatibus ipsis:
 ita ut firma spes in Deo, quæ in illo vigeat, certam securita-
 tem in periculis ei præstaret non secus, quàm anchora nauis
 in fluctibus præstat; & in Domino confidens nihil timeret,
 possetq. cum Davide canere: Si exurgat aduersus me prælium,
 in hoc ego sperabo.

Postremo quoad gaudium in aduersis; illud eminenter probat
 continua hilaritas animi, promptaq. voluntas, quibus non
 solum sine mæore, sed cum Apostolo ad Rom. 5. glorians
 in spe filiorum Dei, tot labores, & ærumnes, ac pericula, &

aduersa passus est, iustè, ac piè viuens in hoc sæculo, expectas beatam spem, & aduentum magni Dei, qui seruum, quem vigilantem, & laborantem cum gaudio inuenerit, ad gaudium vocat æternum.

CHARITAS.

Charitatem, virtutum præstatiſſimam, seruum istum Dei habuisse in eminenti gradu tam erga Deum, quàm erga proximum euidenter probatum est.

DE CHARITATE IN DEVM.

Nam quoad Deum, charitatem illius ostendit exacta obseruantia mādatorum; ipsius etiam Dei, & Domini nostri Iesu Christi approbatione, qui dixit Ioan. 15. Qui habet mandata mea, & seruat ea, ille est, qui diligit me. Quam exactè verò fidelis iste seruus Domini mandata seruauerit, colligitur ex puritate conscientie, ex assidua meditatione diuinæ legis, ex horrore cuiusq. etiam leuissimæ transgressionis, ex studio quod adhibebat, vt ab alijs diuina præcepta seruarentur, ex voluntaria paupertate, castitate, & obedientia: in quibus tantum excelluit, vt non solumis, qui ex aduerso est, nihil habens de illo dicere, obmutesceret; sed omnium lingua, ac vocibus, tam à christianis, quàm ab idololâtris non nisi Sanctus communiter diceretur: quæ fama non nisi exactissima diuinæ legis obseruatione colligi potest.

Probant eandem charitatē frequentia, & familiaria colloquia, quæ longa, & quæ in assidue cum Deo habebat, in quibus Dei amore taliter incendebatur, vt sæpè vultu inflammato, oculis ad cælum affixis, diuinitus à terra eleuaretur: quasi in cælū, vbi erat illius thesaurus, & propterea cor, etiam corpus raperebatur, & sæpè non valens resistere abundantie dulcedinis diuini

uini amoris, clamauerit: SATIS EST DOMINE,
SATIS EST.

Ostenditur eadem charitas per extinctionem timoris in subeun-
dis periculis, & arduis operibus aggrediendis amore Dei. Nā
perfecta charitas foras mittit timorem. Ille verò tantum ab-
fuit à timore, vt propter Deum non timuerit naufragium,
peregrinationes per inuia, & deserta loca non formidauerit,
nec feros ethnicorum mores expauerit; quāuis ab omnibus
vno consensu exitium sibi imminere denunciaretur. Nec
minus elucet eius eximia in Deum charitas ex contēptu rerū
humiliarum, & mortis; qui in tota huius Serui Dei vita ita
elucet, vt verè cum Apostolo posset dicere: Quis nos separa-
bit à charitate Christi? tribulatio; an angustia; an fames; an
nuditas; an periculum; &c. in his omnibus superamus pro-
pter eum, qui dilexit nos.

Nec minus eandem testabatur charitate, continuò de Deo medi-
tādo; dulces de illo sermones habēdo; cunctos ad illius amo-
rem hortando. Iaculatorias orationes ex inflammato pecto-
re etiam in medijs turbis emittebat tanta dulcedine, vt audie-
tes ad Dei amorem accēderet; quin & dormiēs in has vocēs fre-
quēter erūmpebat. Mi IESV, Dulcis IESV: non solū enim
in vigilia, sed in somno IESVM in ore, & corde habebat.
quod ardentissimæ charitatis signum est clarissimum.

DE CHARITATE IN PROXIMUM.

Charitas verò in proximum feruentissima in eo probatur
non solum ex pramissis de charitate erga Deum; sed etiā
ex pijs operibus, in quibus se continuò exercuit, seruiendo
agroris hospitalium locorū, illis cibū proprijs manibus
ministrando, sordes illorū purgando, lectulos veisando, &
sternendo; sinu amplexuq; tenebat quācumvis vlcerosos, &
tabidos; cum illis crebrò pernoctabat; extremum agentibus
spiritum

spiritum assistebat; mortuos abluebat, & sepulture tradebat; omniaq. alia quantumuis vilia seruitia, & charitatis officia eisdē præstabat indefessus Dei seruus, omnib. omnia factus.

Nec minus eadem charitas in proximos colligitur ex beneficentia, qua maximè eluxit in pauperes; illis non solum quæ habebat benignè diuidendo: sed etiā ab alijs, vt illis daret, sepius sumè ostium postulando: omnia in egenos, & desolatos distribucndō tanto amoris sensu, & voluptatē; vt non solum Pater pauperum cōmuniter diceretur: sed etiā illius delicias pauperes esse, & orationē permulti affirmauerint. Eximia pietatē fuit erga carceratos, illos crebrò visitabat, verbis consolabatur, cibo potuq. reficiebat, spiritali alimonia cōfirmabat, causamq. illorum, quantum modestè poterat, agebat; idq. tam sedulo, vt sæpius domum rediret post occasum solis; quin tam longa sentiret ieiunia; cuius potissimus cibus erat Christi voluntatē facere.

Ardentem etiā charitatem in proximos probauit: per tantum tempus pueros christianæ fidei elementa docendo; rudibus adultis christianam legem vberius explicando; peccatores omni conatu ad officium reuocando; infidelibus discussis errorum tenebris Euangelicam lucem aperiendo; vehementissimò zelo animarum, quo semper flagrasse ostendunt satis quæ hæcenus diximus, & alia charitatis officia, quibus nil aliud querebat, præter animarum salutē; quas ita diligebat; vt sanguinenti pro illis dare paratum se esse ostenderet ipsis periculis, & laboribus, quos intrepidus ob illarum salutem aggrediebatur, armatus Domini exemplo, qui prior dilexit nos, & lauit nos à peccatis sanguine suo.

DE ORANDI STUDIO.

HAbuit hic Seruus Dei eminenter orandi studium, quod charitatem indiuiduè comitatur: cum nemo amet, qui non

157
non cupiat cum eo esse, & agere, quem amari cumq. per ora-
tionem cum Deo simus, & agamus. Excelluisse igitur illum
tām in vocali, quā in mentali oratione probatur, non solū
ex frequenti assiduitate, sed etiam ex feruenti efficacia, & de-
lectatione, quibus orare solitum fuisse constar. Tātum enim
ei cordi fuit assidua frequentia orandi; vt nullæ difficultates,
nullæ occupationes, nulla negotia quamuis ardua, nullumq.
tempus illū ab ea retrahere possent, vbicunq. locorum esset.
quod si aliquando solitum, & præfinitum tempus orandi, &
meditandi propter occupationes, quas Ecclesiarum sollicitu-
do, & proximorum amor ingerebant, defluxisset; aliud pro
illo reponebat; & cum aliter non posset, illud nocturnæ quie-
ti subtrahebat; noctes integras subinde orationi dās, vel ma-
iorem illarū partem. Szpiusq. obseruatum fuit, post graues,
& multiplices diurnos labores à media nocte, vsque ad lucē
orasse, Christi exemplum secutum, qui pernoctabat in ora-
tione Dei; immo in medijs etiam ipsis tempestatibus nihil cō-
motus animo orationem continuabat. De nocte surgens in
hortis domoꝝ Societatis deprehensus fuit sæpe; vbi libero,
fulgenti cælo fruens totus in contemplationē diuinę pulchri-
tudinis rapiebatur; & vt diutius hoc potiretur bono binas tā-
tum, vel ad summum ternas horas quieti dabat; vt reliquum
temporis meditando, orandoq. consumeret.

Feruens autem efficacia cum delectatione in orando satis demō-
stratur, tām ex prolixitate orandi per integras noctes, vt su-
pra; quā ex illius externa facie, ex qua in ipso actu amor ora-
tis ita apertē emicabāt; vt totus cēlesti quodam igne exarde-
sceret, ac in præsentēs quoq. flammās pietatis emitteret, qui
illius aspectu ad pietatē, & Dei amorem accendebantur. Illā
etiam probat extasis, quam patiebatur orans, & missam ce-
lebrans; ita vt planē à sensibus abstraheretur, nec ministrum
vestem identidem succutientem aduerteret, nec ad se rediret
nisi post horam. Orando talibus affluebat gaudijs; vt vix il-
lis

lis ferendis mortale pectus sufficeret: & ob id auditus saepe fuit dum secreto oraret dicens: Non plus Domine; satis est Domine, & similia, de quibus iam diximus.

DE HUMILITATE.

Humilitatis dono, Sanctitatis fundamēto, amplissime donatum fuisse ostenditur, cum in interna, & externa miracula excelluerit.

Ac primo demississime de seipso sentiebat, se vilissimum omnium, & peccatorem maximum reputabat; omnibus inferiorem se esse affirmabat; & nihil erat tam vile, & abiectum, quo se dignū non putaret; nihil honorificum, quo se indignū non indicaret; ita ut nulli præesse vellet, sed omnib. subesse cuperet, omnesq. propterea ut superiores reuereretur.

Secundo eandem probauit humilitatem honorifica quæque penitus spernendo, ad suas laudes, non secus ac alij ad probra, erubescens. si quid esset unde laus ipsi aliqua posset peruenire, ut in faciendis miraculis, studiosè id factis, & verbis celebrabat, & sociorū aliorūq. meritis, & intercessionib. adscribebat.

Auctoritatem amplissimam Legati Apostolici, qua instructus in Indiam missus fuerat, non solū non iactauit: sed data opera texit, quasi gladium in vagina: adeo ut per decem annos nemo illum Nuncium Apostolicū sciuerit, præter Episcopū Goanum; nec nisi semel vltimo quasi remedio ad Dei gloriā procurandam ea potestate vsus est, re prius cum Episcopo Goano communicata, & illius permissa arbitrio.

Eadem humilitas ostenditur ex propria sui abiectione: nā Christum imitatus, cum diues esset omnium, egenus fieri voluit; & dum laurè ex suo posset, ex alieno precario victitare maluit, abiectissimo vestitu semper vsus. Patet etiam ex quotidianis exercitijs, & actionibus, quibus sollicitam operā præstitit tam in Indica nauigatione, quàm in domibus hospitalium

lium Indiz, viliora quozq. ministeria, vt iam dictum est, hilariter & sponte eligendo: ex humili reuerentia ostenditur; qua semper veneratus est Episcopus, sacerdotes, & superiores quoscumque; adeo vt, cum B. Ignatio suo superiori scriberet, non nisi genibus flexis scriberet reuerentia causa. Multaq. sunt alia, ex quibus planissime colligitur, Christi vestigia Xauerium fuisse secutum, qui de se dixit: Mitis sum, & humilis corde.

DE PAUPERTATE.

Paupertatem Euangelicam, quam vouit, perfectissime ab illo seruata fuisse demonstrat ratio vite, quam semper seruauit in victu, vestitu, suppellectili, itineribus, habitatione. Victus namq. fuit parcissimus; non eo solum, vt corpus affligeret: sed etiam, vt voto paupertatis satisfacere, vtque verum pauperem ageret, quodcumq. sibi ab alijs vltro subministrabatur, & ea quæ solitus erat ipse per se mendicare, alijs pauperibus distribuebat, contentus ipse quolibet vili cibo, & pane obuiuo: vt latius dicemus dum de pœnitentia ageretur.

In vestitu verò nō minus tenax paupertatis apparuit. erat enim plerumque attritus, refartus, & assumentis varijs interfectus in summa optimarum vestium copia, quæ certatim illi ab omnibus offerebantur.

In suppellectili præterea eius paupertas valde resplenduit. Eius in cubiculo nihil aliud elucebat, nisi ipsa paupertas: nudi namque erant parietes: lectulus potius ad arcendum somnū aptus; quàm ad conciliandum, vt pote sine culcitra, sine loricibus, vilibus tantum stragulis, durò cervicali adiuncto: & præter ista non aliud quidpiam erat in cubiculo, quàm pauci libri sibi, vel alijs necessarij.

In itineribus conficiendis, quæ tam longa, tam multa, tam difficilia fuere, tot longinquis peregrinationibus in vltimas ter

ras suscepſis, ſtadium paupertatis ſuum maximè probauit; nullo alio vectore, quam baculo pro equo, & vehiculo uſus eſt, pedes ſemper incedendo, & nō raro ſine calceis, ſine alio tegmento plantarum. Viaticum non in pera, & ſacculo, ſed in Dei benignitate, & aliena pietate repositum habebat; nullum ſecum ferre ſolitus, niſi ubi per deſerta, & inuia loca eſſe incedendum, & tunc nil aliud parabat quam cibum caſtre ſem: & caſtigatiſſimum. Et in toto longo, ac impedito itinere Meacenſi aſſa tantum victitauit oriza. Nec viatorie veſtes luculentiores erant, quàm cibis. deò pannofus ſe in via dabat, vt aliquando pueris ridiculo eſſet. E Luſitania in Indiam ſoluens, precario ſemper in naui victitauit: nec ab illo inſtituto precibus Regij Prætoris villatenus abduci paſſus eſt. Idem inſtitutum in nauigationibus reliquis ſeruauit: numquam alio diuertere ſolebat; quam in publicas domos hoſpitalium: vt quemadmodum precario veſcebarur: ita mendicato hoſpitaretur: hoc in Italia, hoc in Luſitania, hoc in India ſemper præſtitit.

DE MORTIFICATIONE,

ad Pœnitentia.

Mortificationis ſtadium, & opera pœnitentiæ in eo tales fuiſſe conſtat; quales ad inſignem & excellentem requiruntur ſanctificatē.

Primo, eximia fuit in eo abſtinentia cibi; cum non ſolum carnis, & vini ſed etiam panis triticej uſum procul à ſe abdicauerit. In priuata domo, & quories apud alios nō veſceretur; de induſtria inſulſis, & vilibus utebatur, ac parciffimè.

Secundo, manifeſte colligitur ex maceratione carnis. corpus enim frequentiffime flagellis cadebat, quandoq. æneo filo contextis, quæ etiam ferreis punctis, & ſtellulis de induſtria exaſperabat, ita vt ſanguinem copioſè profunderet. Somno non niſi

non nisi breuissimo corpus recreabat, incommode vel humi,
 vel fune nautico iacens, vel lectulo vilibus stragulis, vt su-
 pra dictum est, parato: reliquum noctis orationi, & contem-
 plationi dabat, vel agrotis visendis: Quin extra solitum suum
 longe plura, & maiora pœnitentiæ opera exercebat: sæpius
 namque per plures dies ab omni cibo abstinuit: & aliquando
 à Dominica passionis vsq; ad Sabbatum maioris hebdoma-
 da: sæpe per biduum, vel triduum, quandoq; per quatuor to-
 tos dies, præsertim in principio suæ conuersionis. quando
 etiam, vt doloris sensu magis cruciaretur, funiculis sibi adeo
 arcte coxendices, & lacertos constrinxit; vt, cum plures dies
 eo in cruciatu iter agendo perseverasset, animo repente de-
 stitutus præ doloris magnitudine, in media via conciderit;
 vinculis in carnem tam alte deprellis: vt medici. vulnus in-
 sanabile iudicauerint: actumque de eius vita esset: nisi mira-
 culose vincula rupta fuissent sine ope artis humanæ.

D E F O R T I T U D I N E,
 ac Magnanimitate.

Fortitudine, Magnanimitate, & Patientia in laboribus tole-
 randis, & superandis heroice, & insigniter à Deo dotatus
 fuit. mundum vicit sui ipsius abnegatione: Christum secu-
 tus, honores, & dignitates sibi oblatas spreuit constanter: vi-
 tam religiosam, vilem, & pauperem elegit, & fortiter retinuit:
 eluxitque sæpe eius animi fortitudo, quod plagis, & pustulis
 pauperum mendicorum lauatis, aquam ipsam, qua illas ab-
 luerat, non semel biberit.

Nec solum tam gloriosa de se ipso victoria eius emicuit inui-
 ctus animus: sed etiam in aggrediendis rebus arduis propter
 Dei amorē, & in superandis difficultatibus: Longinquas re-
 giones, ac prouincias adiit, vitæ spreto periculo: nec barbaris
 & effertum in hospites incolarum ingenium timuit ad chri-

istianam mansuetudinem inuitare, à quibus sibi mortem paratam esse audiebat. Ab anno millesimo quingentesimo quadragesimo primo, quo in Indiam nauigauit vsque ad annum millesimum quingentesimum quinquagesimum secundum, quo diem clausit extremum, multas diuersarum nationum, & linguarum prouincias prædicandi Euangelij causa peragravit; contractis etiam ob assiduos labores morbis grauissimis sæpius naufragium passus est æstus, frigoris, nuditatis, vigiliarum, sitis, famis incòmoda diutissimè sustinuit. nudis pedibus inter vepres, & fentes longissima itinera perfecit. còrumelijs, probris, irrisiõibus, & omnis generis illusiõibus & iniurijs appetitus; verbera insuper, lapidationes, ac spura passus, omnia semper non solum æquo animo, sed sibi plaudente, illius verè discipulus, qui Apostolis dixit: Cum vos oderint homines, & cū separauerint vos, & exprobrauerint, & eiecerint nomen vestrum tanquam malum propter filium hominis: gaudete, & exultate: Deoq. propterea in omnibus gratias hilari, & humilis agebat; & pro illusiõibus, ac persecutoribus deprecabatur.

DE B. A. M. A. S. A. N. C. T. I. T. A. T. I. S., & nomine Apostoli.

Propter hæc non immerito, B. Pater non solum vastissimas Orientis prouincias; sed Occidentis etiam eximia sanctitatis fama viuus, & mortuus compleuit, vnde non alio nomine etiam viuus communiter vocabatur, nisi Sanctus, tam à Christianis, quàm ab infidelibus: qui omnes in angustijs, illum etiam absentem inuocabant; illi ægros, ac mortuos, offerebant, vt sanitatem, & vitam restitueret: & quicquid illius habere poterant religiose asseruabant.

Mortuus omnium prædicatione est celebratus. Corporeus Malacz, & Goæ eximia veneratione exceptum est: tanto populorum

lorum concursu; ut, cum primum Goræ expositum fuit, per multos dies cancellis, licitoribus, armato milite concursus fuerit compescendus. qui usque ad hanc diem maximus est, confluentibus ex tota India multis cuiuscunque conditionis, sexus, & ætatis ad eius sepulcrum: ut testantur vota soluta, tabellæ appensæ, & peregrinationes solemnes. Vestes, superpellicium, & alia, quibus usus est, pro reliquijs religiose venerantur omnes; multaq. propterea, ac magna à Deo beneficia comparant. loca etiam, quibus ille aliquando diuersatus est, piè ab omnibus religiosa frequentia coluntur.

Imagines ipsius tam publice, quàm priuatim deuote à populis visitantur, & coluntur. & in promontorio Comorini in Ecclesia Cotratę illius imago in tanta veneratione est; ut ethnici, & fideles propterea ad ecclesiam illam religiose peregrinentur; nec alio nomine illam appellent nisi ecclesiam magni Patris; donaria illi offerunt; vota soluunt; ac beneficia à Deo illius intercessione postulant, & non vulgaria singulis diebus obtinent. Tanta veneratione christiani, & ethnici oræ Trauancoridis propè promontorium Comorinum collunt, & venerantur Xauerium: ut, cum in interioribus locis dictæ oræ duodecim ecclesiæ fuerint destructę, & numquam deinceps renouatę, solum ecclesia, vbi est posita imago illius; hucusq. intacta persistat.

Accedit illustre testimonium præcipuorum ætatis nostrę scriptorum de insignibus virtutibus huius eximij viri, & de opatione sanctitatis, quam habet in toto orbe christiano. quadraginta sunt, fermè omni exceptione maiores; ut potè Cardinales, Episcopi, Sacerdotes, Religiosi, Iurisperiti, aut alia prærogatiua insignes; qui singulare testimonium de eius sanctitate protulerunt; omnes ordinatim nominati in iam dicta relatione Auditorum Rotæ.

Concurrit vehemens desiderium, & summa expectatio totius; vbiq. Ecclesiæ ob continuatam perseuerantiam prædictæ opinionis

opinionis sanctitatis, quæ non solum eius morte latius propagata est, sed in dies magis, ac magis propagatur. Postremo superadditur honestissimus titulus Apostoli, quem summo consensu Hispaniarum populi, & India illi detulerunt: apud quos nō alio appellatur nomine, nisi Apostolus, quod non solum mirabili præfagio Mariæ Magdalene eiusdem Xaverij sororis natu maioris (de quo supra egimus) verum insigni miraculo Christus illi confirmasse videtur: cum illum linguarum dono exornauit, quo Apostolos ad prædicationem Euangelij instruxit.

DE DONO LINGVARVM.

Diuersarum namq. gentium linguis, quas non didicerat, cum eas Euangelij causa adiret, ita eleganter, & expedite loquebatur, ac si ibi natus, & educatus esset. & contigit nō raro; vt cum concionantem diuersarum nationum homines, singulisque lingua planè, & politè loquentem audiuerit. id quod pro maximo miraculo ab ea gente habitum, non solū auxit venerationem Xaverij; sed multos etiam ad fidem conuertit. Voluit enim Deus, qui illum ad prædicationem Euangelij in illis prouincijs segregarat; vt, sicut in cæteris apostolicum spiritum acceperat: sic etiam dono linguarum Apostolis similis esset: & vt non solum spiritus feruore eximio; sed etiam varijs linguis magnalia Dei vbique loqueretur.

DE GESTIS IN CAUSA.

Quibus sic summatim relatis de vita, heroicis virtutibus, & actionibus huius Serui Dei Xaverij. Ad secundam partem circa res ordinatim gestas in huiusmodi causa deueniēdo iuxta præmissum ordinem; S. V. exponitur; qualiter anno à Xaverij obitu sexagesimo, cum fama Sancti
tatis,

ratis, & miraculorum vndique in ore Christiani populi celebris esset: placuit. Fel. rec. Paulo V. ad preces Societatis IESV committere DD. Cardinalibus Sacra Rituum Congregationi Præfectis; vt super recognitione processuum per ordinariū Indiarum, Goæ, Cocini, Bazzaini, & Malacæ ad instatiam Io. Lusitanæ Regis, vt dictum est, fabricatorum; ac super fama Sanctitatis, & miraculorum, ac populorum deuotione in genere inquirerent, & referrent: an talia viderentur, vt ad specialem inquisitionem procedendum foret. quæ Sacra Congregatio annuente eodē Paulo V. sub die vigesima Martij anno millesimo sexcentesimo decimo deputauit bon. mem. Cardinalem Pamphiliū: qui auctoritate Apostolica, ac eiusdem Sacra Congregationis Rituum nomine per se ipsum, vel aliquem Prælatum, seu Prælatos ab ipso eligēdos in Vrbe, cum notarij deputatione, prædicta omnia perageret. qui Cardinalis, electo prius Nicolao Rogero in notariū, ad omnia prædicta absolūda deputauit tres Rotæ Auditores, Honorarium Lancellotum deinde Cardinalem, in cuius locum subrogatus fuit Io. Baptista Coccinus eiusdem Rotæ Decanus; Franciscum Sacratum tunc Archiep. Damascenum, modo ab eius insignia in Ecclesiam merita Cardinalem, & Io. Baptistam Pamphilium: corā quibus exhibitis per legitimū procuratorem articulis, super generali inquisitione famæ sanctitatis, & miraculorum Xauerij, examinati fuerunt duodecim testes, cum interrogatorijs; & seruatis alijs de iure seruandis.

Mortuo Cardinali Pamphilio eadem Sacra Rituum Congregatio sub die prima Septembris subrogauit Cardinalem Lancellotum: a quo deputato Ioanne Visero notario in locum Nicolai iam defuncti; productisq. processibus huius causæ informatiuis, illisq. fideliter interpretatis à deputato interprete, & in forma recognitis: absoluta quoq. generica informatione Romæ, vt supra, sumpta: eadem Congrega-

tio referente eodem Cardinale Lancellotto decreuit; sufficienter, & abundanter constituisse de fumo sanctitatis, vitæ, morum, & miraculorum; ac populorum deuotione erga Seruum Dei Xauerium: proinde posse ad specialem inquisitionem procedi.

Vnde idem Paulus Quintus per speciale rescriptum commisit eisdem tribus Auditoribus; vt causam huiusmodi reassumentes, omnia acta, & processus viderent; noua iura in Curia, & extra compularent; nouos etiam testes interrogarent; litterasq. remissoriales, & compulsoriales, prout opus esset, decernerent, & relaxarent: prout præuijs legitimè productis articulis, pro speciali inquisitione decretæ, & relaxatæ fuerunt ad Archiepiscopum Olyssiponen. ad Episcopos Pampilonen. Baionen. & Iacen. pro Ciuitate Pampilonæ, ad Archiepiscopum Goanum, seu eius Vicarium pro Ciuitate Goæ in India ad Episcopum Coccinensem, seu eius Vicarium in India pro Ciuitate Coccini; ad Episcopum Malacensem, seu eius Vicarium pro Ciuitate Malacæ item in India. Quibus litteris sic expeditis, dum in partibus executioni mandantur: fuerunt hic Romæ ab eisdem tribus Auditoribus alij examinati testes super articulis in specie, ipsis prius citatis, & cum interrogatorijs, & alijs de iure requisitis.

Transmissis deinde ad urbem processibus remissorialibus, & compulsorialibus; qui vigore dictarum litterarum in partibus fabricati sunt, illisq. per fidelem portitorem consignatis, ac per deputatos ab Auditoribus fideliter interpretatis, productis, & recognitis; instante procuratore Societatis IESV, nomine etiam Serenissimi Hispaniarum Regis, & aliorum multorum Principum, & totius Indiæ Clerici; vt ad vltiora procederetur: tres Auditores prædicti visis omnibus, & singulis processibus iam dictis, illisq. mature discussis, & examinatis: in pluribus Congregationibus, singillatim singulos legitimos, & legales, testesq. in illis contentos

rite,

rite, & recte examinatos, ac esse in forma probanti, declararunt: & examinatis virtutibus, & actionibus per particularia dubia cum longa temporis maturitate; causa demum instructa iuxta canonicas sanctiones, de sanctitate, ac excellentia vitæ, ac miraculis constare censuerunt: suamq. super præmissis relationem fecerunt idem fel. rec. Paulo V. quam relationem S. V. mensibus elapsis ad eandem Rituum Congregationem discutiendam remisit.

Nos vero, B. Pater, relatione Auditorum Rotæ accepta, & super illa pluribus habitis sessionibus, diligenter, & accuratè discussis eorundem Auditorum assertionibus, & conclusionibus: vnanimi voto censuimus, omnes supradictos processus authenticos, & validos esse: prout etiam censuimus, probationes in illis processibus contentas, super sanctitate, excellentia fidei, & præclaris miraculis Serui Dei Francisci Xauerij fuisse legitimas, & sufficientes. Quæ si Sanctitas Vestra talia esse statuatur, vt ad Canonizationem sufficere videantur: quæ supersunt tertio loco dicenda, de miraculis in particulari breuiter prosequar.

DE MIRACVLIS.

EX multis miraculis, quæ in processibus continentur in vita, & post mortem à Seruo Dei Xauento patrata, pauca hæc collegimus.

DE MIRACVLIS IN VITA.

I. *Aqua maris salsa facto signo crucis efficitur dulcis.*

Cum P. Franciscus Xauerius ad Sinas cōtenderet in magna nauis S. Crucis, in qua quingenti erant vectores, cessantibus ventis tanta fuit in alacia; vt per quatuordecim dies eodē hærere loco nauis coacta fuerit: neq. in illa maris vastitate vllus lo-

D cus,

cus, vel insula apparebat, unde possent auxilium petere; propter aquæ penuriam ita laboratum est, ut præ situm multi iam ex vectoribus moreretur. Adcunt igitur omnes Xaueriū, & curre petunt; ut tanto malo opem ferat: ille post longā orationē benè in primis sperare iussit de diuina providentia, eos nō esse perituros certo affirmans. deinde vocato nauarcho, & nauis, reliquisq. vectoribus, iubet illos sumere aquā ex mari, atque dolia, urnas, ac vasa omnia nauis impleri, quam cū degustassent salisam reppererunt: tunc Xauerius eleuatis in cælum oculis, magna in Deo fiducia, facto signo crucis aquam maris: quant in vasis illis collegerunt; benedixit, & præcepit, ut iterum degustarent: cui obtemperantes aquam illam dulcissimā, & optimam reppererunt: quo miraculo vectores Xaueriū sanctū acclamauerunt: & Mahometani aliquot, qui aderant, cū vxoribus fidē receperunt, aquā deinde illā, quæ ab eo de superfluit ex navigatione; in varias provincias, & vrbes Indię distribuerunt: quæ multū agroti sanitatem miraculose receperunt.

II. Puer mortuus ad vitam reuocatur.

Puer quidam pestilēti febri correptus Mutano in oppido Indię Orientalis, veste funebri, hoc est sindone, de more illius gentis obvolutus, & confutās per 24. horas asseruatas, sepultura mandandus efferebatur magnō parentū ciulatu. occurrit Xauerius, qui tunc in eodem oppido operā nauabat conuertiens, dis ethnicis, & erudiendis in fide christiana ijs, quos baptizauerat: itaque parentum orbitatē miseratus, genibus flexis, & oculis ad cælum eleuatis, Deū orauit, pro pueri vitā; & corpus aquā benedicta asperxit: deinde iussit funebrem vestem rescindi, & cum cadauer appareret, cruce illud signans, atque manu apprehendens, in nomine IESV viuere iubet, & statim puer surrexit viuus, cumq. sanum, & viuente parentibus tradidit, & in memoriam, & honorem huius miraculi eo in loco

cruz ab incolis erecta fuit, magna omnium celebritate.

III. Mortuus, qui per diem fuerat sepultus, suscitatur.

Cum Seruus Dei in promontorio Comorino concionē ad populum haberet in ecclesia, in qua die precedenti sepultus fuerat quidam defunctus: ipseque Xauerius difficultatē magnā pateretur in conuertendis ethnicis, qui aderāt: orauit aliquātulum pro eorū conuersione, & peracta oratione, vt ad Christum illos adduceret; iussit sepulchrum, in quo cadauer defuncti iacebat aperiri; & populo significauit, placuisse Deo, iterum mortuum illum ad vitam reuocare, vt ipsi conuerterentur: patefacto igitur sepulcro, & rescissa veste funebri, quae defunctus erat inuolutus, apparuit cadauer. tunc verō oratione à P. Francisco pro vita illius Deo facta, statim surrexit viuus. quo viso miraculo vehemēter omnes admirati sunt, Deum laudantes, & admirantes Xauerij sanctitatem, & infideles illi, atque multi alij propter hoc miraculum christianā fidem susceperunt, & baptizati sunt ab eodem patre.

IV. Dum Missam celebrat altius cubito à terra eleuatur.

Dum Xauerius Teuanapatano in portu orae Coromandellis, & alijs etiam in locis Indiae Orientalis Missae sacrificium celebraret: visus est ab vniuerso populo, qui aderat Missae, altius cubito sustineri diuina vi sublimis à terra. Quam rem omnes habuerunt pro miraculo, & dono particulari Xauerio concesso: cumque deinceps, vt virum sanctum venerati sunt, credideruntque famae, quae de illius sanctitate, & miraculis vulgabatur.

V. Puer in puteo suffocatus, & mortuus ad vitam reuocatur.

In ora Piscariae Indiae Orientalis apud oppidum Combuture, cum puer filius mulieris eiusdem loci indigenae casu in puteo cecidisset; & iacens per multas horas sub aquis suffocatus es-

fer, mater, & eius cognati mortuū indè extraxerunt; cumque eum ad sepulturam flentes deducerent accurrit Dei seruus Xauérius ex proxima ecclesia S. Stephani, quo venerat ad celebrandam missam; quem eum vidisset mater pueri; eum deprecatur, vt vitā filio reddat: at ipse lacrymis matris commotus, & misertus pueri casum, propè accedens, oculis eleuatis, in genua prouolutus pro vitā pueri orat: eiusq. manu apprehensa, inquit: In Nomine Iesu Christi surge, & cōfestim puer surrexit viuus, & illum sanum tradidit matri suæ, & cognatis. Omnes ergo, qui aderant, tanto miraculo obstupefacti, cœperunt clamare Miraculum, Miraculum: & gratias Deo egerunt, qui meritis, & intercessione P. Xauerij illud operatus est; Xauérius verò præcepit eis, ne cuiquam rem gestam narrarent.

VI. Cæcus visus restituitur.

Dum Xauérius in Iaponia ethnicis fidem prædicaret mercator quidam, quem à multis annis apud omnes constabat esse cecum, ad eum accessit, petens, vt vellet sibi visum restituere, quo iam diu omnino carebat: Xauérius recitato prius super eo quodam Euangelio, fecit super eius oculos sanctissimum signum crucis; quo peracto subito, & eodem momento aperti sunt oculi eius, & cœpit videre, ac se domum recepit iussu eiusdem P. Xauerij. Sequenti verò die venit prædictus cæcus ad ecclesiam, querens iterum P. Xaueriū oculis tamen apertis, & clavis, & prostratum ad illius pedes simul cum tribus filijs maximas ei gratias egit pro tanto accepto beneficio, affirmans se melius videre, quàm antea, cum nondum in illam cecitatem incidisset: & postea deduxit vxorem, & totā suā familiam: petens à Xauerio, vt vellet eos baptizare, quemadmodum factum est: & vulgatā fama huius miraculi inter alios ethnicos, commoti sunt vehementer quamplurimi, & plusquam

plurquam trecenti conuenerunt Xauerium, petentes sacrum baptismum, quos omnes ille baptizauit.

VII. Mendicus ulcerosus miraculose sanatur.

Cum in promontorio Comorini occurreret Xauerio mendicus toto corpore ulcerosus: Pater illius plagas, & pustulas magno charitatis sensu lauit, & ut maiorem de se victoriam reportaret, hausit aquam, qua lauerat: postea in genua prouolutus, enixè precatus est Deum pro salute dicti pauperis; qui statim fuit liberatus ab omnibus plagis, atque ulceribus.

VIII. Cancer marinus deperditum in mari Crucifixum Xauerio miraculose deservit.

Cum Franciscus Xaverius in Insulis Molucis ageret, atque ex Amboino ad Baranulam Insulam nauigaret: sæua tempestas exorta est: ad eamque sedandam imaginem Crucifixi longam vno digito à collo detraxit, atque in mare immisit; dumque illam manu detinet desuper ex nauigio, forte accidit, ut ex manu dilaberetur, atque in medium mare decideret: qui casus Xaverium tantopere afflixit, ut magni doloris signa dederit. Sequenti vero die ad Insulam Baranulam peruenerunt, in qua est oppidum Tamalo, quod vectores nauigijs nautique petebant. quare nauigio ad terram applicato descendens Xaverius cum socio per ipsum littus iter faciebat, quo Tamalum perueniret: dumque medium milliare peregissent, atque à loco amissi crucifixi multis iam miliaribus distarent: ecce tibi marinus cancer cum prædicto Crucifixo à mari erumpit in littus, quæ chelarum utrinque morsibus eleuatum, & erectum gestabat: & sic ad Xauerium festinus accurrit, atque ante ipsius conspectum stetit. at Xaverius in genua se prouoluit; cancer verò expectauit, quousque Xaverius Crucifixum ex ipsis chelis apprehenderet: quo peracto statim in mare unde exierat se recepit: tum Xaverius deoscularus, & amplexatus Crucifixum

xum, brachijs ad pectus in modum crucis porrectis, humi prostratus per semihoram in oratione stetit: idem fecit socius, qui ad latus adhærebat, gratias agens Domino I E S V Christo pro tam insigni miraculo.

IX. Scapha tempestate abrepta miraculose redit ad nauem.

Cum Xauerus ad Sinas contenderet in naui Odoardi à Gama, sæuissima orta tempestate, ita vt omnes de se actum esse existimarent: gubernator, ne repentina procellæ vis scapham auferret, validis eam rudentibus ad onerariâ religari iussit. nauantes operam scaphæ nox oppressit; nec ita multo post abruptis retinaculis scapham tempestas abstulit tanto impetu, vt penè temporis momento omnium conspectum effugerit. vt vero quisque cognatos, necessariosque in scapha habebat: certatim eorum calum deplorare cœperunt. Xauerus ergo vniuersos collacrymantes intuens, bonum eos habere animam iussit, ac prædicit fore vt ante triduum filia remearet ad matrem; his verbis significans, scapham ad onerariâ redituram. Postero die prima luce Xauerus læto vultu prodijt in medium, ac nauarchum rogat, vt iubeat aliquem malo conscenso speculari, num scapha compareat; & vbi renunciatum est ex malo eam non conspici; in cubiculum se abdidit; ibique lacrymans bonam dici partem in oratione extraxit: inde læta nuncians, ipsos non multo post scapham esse visuros, nauarchum rogat, vt vela demittat, & scapham expectet: reclamantibus cæteris, quod frustra iam expectaretur scapha, & quod sine manifesto periculo onerariæ expectari nõ posset: nauarchus, qui precibus Xauerij defatigatus, vela demitti iusserat, intermisso temporis spacio, cum scapha nec adhuc cõspiceretur, & nauis iam periclitari videretur, sæuiente adhuc mari, tolli properè vela imperat, insistit Xauerus rogans nautas, vt adhuc paulum expectent, certò affirmans, scapham nullo periculo onerariæ non multo post affuturam; cumque nautæ desperata

iperata re, ac stimulante metu, nihilominus vela sustolleret: Xauerus accurrens, manuq. antennis iniecta, per Christi mortem, & vulnera obsecrare institit; ne pigeret etiam num morari parumper. illi obtemperarunt, ipse semel atque iterum interea dum scapha expectaretur, & nullibi conspiceretur, & omnes ibi sine periculo se immorari non posse censerent: sublati in cœlum manibus enixè orabat nauarchum, ceterosq. bono animo esse iubens. interea naus expectans in gētibz agitabatur fluctibus impune, iamq. per tres ferme horas dilata omnium expectatione; pro desperata res erat: cum repente quidam scapham apparere, atque aduentare proclamat: tūc verò læti omnes Deo, Franciscoque gratulari ceperunt: vt scapha in conspectu omnium fuit, confestim ad eam excipiendam naus in obliquum statuitur: at illa Deo ducente rectè ad onerariam tendit. aduentanti alacres nautæ funem de more eminus iniicere parabant: cum Xauerus nihil fune opus est, inquit, ipsa, per se sponte accedet ad onerariam: idque omnibus miraculo ætonitis ita euenit; atque ita aptè se applicuit, vt miseri illi comòdè exciperentur: quin etiā in medijs fluctibus retinente nemine tam diū steterit, quoad religaretur ad nauim. vt satis appareret eiusdem, cuius adducta fuit precibus, eam retinere.

X. Super Urbe Tolo pluit cineribus.

Cum Franciscus Xauerus in Molucas Insulas penetrasset, & primus illas gentes ad Christum adduxisset: vrbs Tulus, in qua ad viginti quinque hominum millia baptizauerat, suafu cuiusdam Tyranni idem Christi deseruerat: ciuesq. ecclesia destructa cruce, & sacras Sæctorum imagines per ludibrium fregerant: quam rem ægerrimè ferens Franciscus: dolensq. de iniuria Deo illata, & de perniciè illarum animarum; postquam irritas suas preces vidit, quibus rebellium animos ad resipiscendum quoad potuit pertraxit: christianos milites

ad

ad vindicandam Dei iniuriam promissione victoriæ excitauit. viginti igitur Lusitani cum aliquibus Molucarum indigenis, qui omnes numerum quadringentorum explebant, expeditionem aduersus Tolum susceperunt, Francisco suadente, & comite, ac felicem belli exitum promittente.

Erat arx Toli in edito loco posita non minus armis, quàm situ munita: accesserat hostium fraus; nam ea parte editæ rupis, qua sola adiri poterat, stimulos ferreos supposuerat, in quos sese induerent, qui propè arcem conarentur accedere. Vix christiani ad Tolum accesserant cum Francisco ad Deum preces fundente, ex vicini montis vertice cum horrendo mugitu, & fragore magnum erupit incēdium, & ingens cineris, ac pumicum vis eiecta: quod nunquam in ijs partibus cecinisse constat, non modo stimulos ferreos cooperuit; sed etiam arcis fastigium æquauit.

Per idem tempus terræmotus insolitus tectorum vrbs ingentē edidit stragem; ita ut plerosque hostium pauor compulerit in fugam cineris deinde, ac pumicum copia cōgesta, facilem in mœnia ascensum dedit. quare arx oppidum totaque regio sine vlllo certamine fuit subacta: & ciues, qui tali prodigio perterriti urbem deseruerant, & in proximas syluas se abdidderant, ad Xauerium statim supplices accurrerunt, & ad eius pedes prostrati, delicti veniam petierūt. Xauerius igitur eosdem cum Ecclesia reconciliauit, imposita salutari pœnitentia; & vt templa euerfa reficerent, & suscepam semel Christi fidem in posterum sanctè, pieque colerent.

Communis omnium etiam barbarorum consensus fuit, hanc memorabilem victoriam diuina, nō humana ope obtentam fuisse: & tam opportune flagrantis montis auxilium cum subita cineris, & pumicum congerie miraculosè intercessionē, ac precibus Xauerij euenisse; qui diuinam opem suis orationibus conciliarat: vt cuius belli auctor extiterat; præcipuus quoque suis orationibus esset adiutor.

DE

DE MIRACVLIS POST MORTEM.

Corpus incorruptum perseuerat.

Mortuo P. Francisco Xauerio in insula Sanciani prope Sinas eius corpus in capsa lignea, viua calce iniecta, sub terra sepellitur: vt quamprimum exesa carne, ossa possent in Indiam deportari; quatuor inde post menses effoditur, aperta q. capsa, & excussa calce, prorsus integrum corpus reperitur sine vlla tabe; ac si tunc humatū esset: ita vt color viuax, caro recens, vestimenta nulla ex parte lesa essent.

Iniecta iterū calce in eadem arca Malacam defertur: ibiq. aperta arca integrū sicut antea inuenitur. In templū deinde Dominæ nostræ de monte defertur, excussa q. calce in nouo loculo sepellitur: noui verò loculi breuitas coegit eos, qui funeri operam dabant, corpus nonnihil cōprimere, atque inflectere: quod causæ fuit, vt ex humeris repete effluerent sāguis. Cum ergo ibi aliquandiu iacuisset: nouo post obitum mense, sepulcro patefacto non minus integrum ex humo, quam antea ex calce inuentum est: & velum quo eius facies operta fuerat, propter ingesta compressaq. terræ pondus in humatione, recenti imbutum cruore.

Quo moti miraculo, qui aderant, nouam curarunt arcam intus, forisq. serica, & aurea veste coopertam. sic in Indiam delatū Coccini portum primū appulit confluentibus deuotione, & admiratione ciuibus ad contuendū corpus. Inde Goā exportatū, celebriq. ac festa pōpuli Prorege, & omnibus ordinibus exceptum in ecclesiā Societatis IESV defertur: vbi affluētis populi cupiditati, vt satisfaceret: corpus validis cācellis munitū, per totum triduum oculis omnium exponi necesse fuit.

Et quoniam rei miraculum excedebat fidem: de mandato Proregis ab insigni medico corpus inspectū, pertentatumq. fuit, & compertum incorruptum, succosum, & molle, integris, ac

E solidis

solidis intestinis; ex quibus per paruum vulnus inflictū manabat sanguis, nullo balsami, oleiue indicio. Exacto triduo arca prope aram maximam ad dextram in sepulcro per eos dies parato, ad tempus condita est. Postea Vicarius Generalis Episcopi Goani sede vacante, & Inquisitor generalis, apertō sepulcro, multis collucentibus facibus, pro suo munere, atq. officio pertentant corpus iterum, ac denuo, nihilque non integrum reperiunt.

II. Corpus eius suavisimum emittit odorem.

Dum corpus Xaverij in insula Sanciano, vel Malaca loculo includitur, vel ab eo extrahitur, similiter dum Malacā, & exinde in Indiam nauī aduehitur, vel Goā visendum exponitur, aut ibidem in cāpsa visitatur: licet nullo odorem torū genere curatum esset: suauissimum tamen odorem ex se emittebat; ita ut omnium spiritus suscitaret, & confortaret; nec poterant discernere, cuiusnam rei tā suavis ille odor esset.

III. Adventu corporis Xaverij Malaca cessat repente pestis.

Cum Malacā urbem in India Orientali celeberrimā, & frequentissimā sua pestis inuasisset (quod propter civium peccata eventum illi antea discedens Xaverius prædixerat) breuique tempore quā plurimi paucis admodū superstitibus periissent: necdum desuieret luesset maxime in dies grassaretur: ut primum corpus P. Francisci, quod ex Sinis in Indiā afferebatur, eo appulset, & ex nauī in urbē delatū fuit, statim ac subito contagiofus ille morbus omnino cessauit: nec ab ea die mortuus vllus, aut morbo correptus fuit: sed adeo tota lues extincta est: ut tam pestiferi morbi deinceps ne vestigium vllum supersuerit.

IV. Ex digito pedis Xaverij defuncti recens sanguis effluxit.

Cum Goam Xaverij corpus Malacā aduenisset, & in ecclesia fuisset expositum; magnaq. populi multitudo deuotione cōmōta ad deosculandū illius pedes accessisset: deuota quādā mulier seruire deuotionis adducta, digitum pedis morfu apprehendit; & dēntibus nixa est euellere frustulum; quod pro reliquia sibi conseruaret: ex quo morfu recens effluxit sanguis; ac si manaret de corpore uiuo. Quo viso miraculo omnes, qui præsentes aderant, valde sunt admirati; & maximam inde deuotionem erga Xauerium conceperunt.

V. Puer utroque crure, & pede sicco, & arido ad sepulcrum Xaverij miraculose sanatur.

Puer Ventura Goæ natus in domo Domine Ioannæ Fonsce, quæ illum, ut filium diligebat, habebat à natiuitate utrumq. pedem, & crura omnino sicca, & arida; neque amplius digito crassiora: ita ut per quinquēniū semper humi manibus reptare cogeretur; nec erectum in pedes illum cōtinere poterant, quin statim caderet. multis remedijs frustra tentatis ad Xaverij opem Ioanna confugit, puerū magna fide, ac deuotione illi cōmendans; sepulcrum illius cū puero per nouem dies uisitaturam se promittens: cūque uotum cōpisset adimplere; tertia iam die, qua sepulcrum uisitabat, puer in eius gremio existens repente ferream sepulcri cratē manibus apprehendens, suis stare pedibus, & ambulare cōcepit, & statim omnino sanus euasit, ita ut per se deinceps sine aliquo adminiculo ambulauerit; & inde melius semper se habens, intra nouem illos dies, quos promiserat crura carne repleta sint; & sic perpetuo ualens, & sanus deinde vixit.

VI. Lampades solâ aqua repletæ ante imaginem Xauerij ardent.

In ecclesia Gottatz orâ Trauancoridis in India Orientali, lampades positæ ante imaginem P. Xauerij, sola aqua benedicta repletæ, sæpe ardere visæ sunt; & per multas horas, ac si oleû haberent; & hoc in fidei christianæ confirmatione, & ad ostendendam falsitatem idolatriæ, & sanctitatem P. Xauerij, multis ethnicis, mahometanis, & christianis videntibus, & admirantibus: quorum aliquot præsertim ex infidelibus, inuitati à christianis ad videndû miraculum, vt experimentû facerent de illius veritate: aquâ subinde mutarunt, & noua elychnia in dictis lâpadibus imposuerunt; quæ nihilominus arserunt, vt antea: & dum essent extinctæ, igne interdû ex se ipsis con-
cepere.

VII. Infans mortuus ad vitam reuocatur.

In Regno Trauancoridis Indiæ Orientalis infans vnius mensis, magno ventris profluuiio; & febris laborâs emoritur, cuius cadauer inhumatum seponitur tradendû postea sepulture; & per septem, & amplius horas manet contectum linea tela, quæ fuerat ad vestem funebrem conscissa ab ipso met. parente iuxta morem illius gêtis. Interim cum parens filij mortem acerbè ferret: monetur ab amicis; vt filiu P. Francisco voueat; qui pater qui posset illi vitam reddere, cum tot, & tanta miracula patrasset: parens magna fiducia de Xauerio concepta: vouit ipsius Xauerij ecclesiæ, quæ apud Cottatæ oppidum est magnâ elemosynâ, si vitam filio reddat: insuper se filio nomen Francisci impositurum. dumq. multis lacrymis precatur Xauerium, coram filij cadauere, vt suæ consulat orbitati: cernitur repente puer aperire oculos, mouere manus, pedesq., ac voculas, & lamenta puerilia edere. accurrunt vndiq. circumstantes, videntesq. puerulum non modo viuum, sed omnino sanum, & valentem, acclamant, & mirantur tantum miraculum.

lum. Parens suscitatur in filium ducit ad ecclesiam Xaverij, & ibi illi impolitò Francisci nomine, & collata elemosyna, voto se exsoluit: atque omnes maximam exinde erga Xaverium concipiunt deuotionem.

VIII. Cæcus visum recepit ante imaginem Xaverij.

Quidam Malabaris nomine Chiambarate cure Thesaurarius S. Crucis oppidi Colechæ Regni Trauancoridis in India Orientali, dum festos ignes componit ad ecclesiæ prædictæ festiuitatem celebrandam, sulphureus puluis inopinato accensus, vultum illi pene totum combus sit, & visum oculorum omnino ademit; ita vt nihil prorsus posset cernere. Cumq. aliquotiam annos cæcus persecerasset: apparet illi in somnis P. Xaverius, eumq. monet, vt ad ecclesiam ipsius visitandam pergat: fore enim, vt hac ratione lumen oculorum recipiat. & somno ex percussu ducem itineris statim accipit; atq. in ecclesiam Cottatz contendit; in qua Xaverius magna veneratione colitur: ibi per nouem dies commoratus, assidua deprecatione Xaverij opem, & patrocinium implorat, & dum ante Xaverij imaginem orat; decussa caligine oculorum, lumen repente recipit; & gratijs pro beneficio actis, domū suam reuertitur absq. vllò itineris duce: quæ à dicta ecclesia sex leucas distat: eamq. deuotionem animò erga Xaverium concepit; vt in illius honorem multa carmina, & laudes lingua Malabarica composuerit.

IX. Leprosus miraculè sanatur.

Franciscus Peremal natione Chiauallacatre in India Orientali homo adhuc ethnicus, cum toto corpore lepræ esset affectus, & pustulis plenus; atq. ab omni remedio humano desperatus, ac sæpius fidem christianam suscipere detrectasset: monitus in somnis à P. Xaverio, aduicit ecclesiam Cottatz, cuius oppidi

oppidum erat indigena: & ibi vngens se oleo lampadis, atque prostratus ante Xaverij imaginem dum illius opem implo-
rat, repente mundatur à lepra, & integram sanitatem recu-
perat: quo viso miraculo, se conuertit ad fidem, & duos inde
post menses baptizatur.

X. Dysenterica vngens se oleo lampadis Xaverij perfecte sanatur.

Francisca Rebella dysenteria, seu fluxu sanguinis tres menses
continuos non sine ventris tumore laborarat, cuius morbi
vis cum eam in vitam discrimen adduceret, nec amplius medi-
camenta ei prodesse viderentur: feria quinta maioris hebdo-
madæ venit ad P. Francisci imaginem in Capella quadam ec-
clesiæ Societatis I E S V Coulani appensam, vota inibi Deo
nuncupat; enixeque Xaverij auxilio pro recuperanda salute
implicato; cum acerbis ventris dolore, prout dysentericis
cuenire solet, se premi sentiret; vngit se oleo lampadis P. Frã-
ncisci magna fide, ac certa fiducia recuperandæ salutis: & re-
pente omni dolore liberatur, atque ex illa hora prorsus ab ea
infirmirate conualefcit; adeo vt nulla deinceps huiusmodi
tumoris, & dysenterici senserit incommoda.

Pro tribus sequentibus miraculis.

Lucia de Villanzan Sinica annorum 120. cognovit P. Franciscum
Xaverium dum in India prædicabat; & ab eo in fide christia-
na fuit instructa; & ob id magnâ erga Xaverium deuotione
concepit: eo deinde mortuo honeste semper, & laudabiliter
vixit, frequentando sacramenta Confessionis & Eucharistiæ,
& inferuendo pauperibus, alijsq. operibus pietatis vacando.
Cumq. medalliam, in qua effigies erat P. Francisci, obtinuisset;
in urbe Coccini: duodecim ante annis ea rangebat infirmos;
vel aquâ, cui eadem medallia iniecta fuerat, potandum præ-
bebat,

bebat, vel ea lauabat partes morbo affectas, nulla tamen ritus
illicita caeremonia, aut superstitioso modo, sed magna humi-
litate, & reuerentia signans eos signo Crucis dicens. In nomi-
ne IESV, & P. Francisci Xauerij tibi restituatur sanitas, qua
indiges. quare prauiam humilitate, & deuotione, sinceraq. fide
huius mulieris dignatus est Deus, opera mirabilia facere me-
ritis, & intercessione Xauerij, vt ex dicendis patebit.

XI. Laborans inueterato, & vlceroso cancro repente sanatur.

Gondifalvus Rodriguez de Valle Coccipensis accola maximū,
& vlcerosum à multis annis habebat cancerum cordi proxi-
mum, ita vt nec manducare, nec quiescere, nec alijs actibus
naturalibus vti vlllo modo posset: propter magnos dolores:
sumptisq. frustra varijs medicamentis, motus fama miracu-
lorum, quae fiebant virtute medalie P. Francisci, cōuenit pra-
dicta Luciam, eamque genibus flexis precatur: vt medaliā
cancro applicet, cui vlla noxam gereret, facto prius Crucis
signo cancro vlceroso medaliā imposuit, verbis prolatis.
In nomine IESV, & P. Francisci Xauerij tibi reddatur sani-
tas: statim & eodem momento liberatus fuit, & penitus sa-
nitati restitutus.

*XII. Habens crura vlcerosa, & laborans dysenteria
miraculose sanatur.*

In Vrbe Coccini Emanuel Rodriguez annorum quinquaginta
septem, habens crura vlceribus plena, varijs per aliquot an-
nos in vanum tentatis medicamentis, ita in dies habebat pe-
ius: vt neruis contractis, crus vnum breuius altero euaserit:
quo neque poterat incedere, neque terram tangere: & propte-
rea gestatoria sede deferebatur: quibus malis ventris pro-
fluvium, seu dysenteria accessit, proptereaq. à medicis, prostra-
ta omnino valetudine, derelictus est, cū nulla iā subesset spes

recu-

recuperanda sanitatis: tandem fiducia meritorum, & intercessionis P. Xauerij, ductus ad prædictâ Luciam, ab ea potius deuotè, vt medalliam sibi applicaret: cui illa morè gessit; factò prius super cruribus signo Crucis cum verbis. In nomine IESV, & P. Francisci, &c. & aquam deinde potandam dedit, in qua fuerat iniecta medallia: statimq; liberatus est à diætiis vlceribus, & dysenteria: & intra triduum perfectam omnino recuperauit sanitatem, & sanus perseverans nullo deinde impedimento ambulabat.

XIII. Mulier paralitica, & cæca sanitatem, & visum oculorum recuperat.

In eadem vrbe, Coccini Maria Diaz vxor Ioannis de Caruaglio per septem annos paralytica ita laborauerat ex dimidia corporis parte, vt nec manum, nec pedem, nec quicquam ab eo latere mouere posset. item ita amiserat visum oculorum, vt à septem annis esset omnino cæca. In his infirmitatibus constituta; adita Lucia prædicta, penes quam medalliam esse sciebat, cum magna fide precata est; vt dictam medalliam suis oculis, & membris affectis applicaret, & aqua illius prædictas partes lauare dignaretur. quod cum eadem sæpius, & per septem continuos dies effecisset, imponens medalliam super oculos, & partes affectas, signans eas signo Crucis, inuocato Xauerij nomine, & easdem lauans: statim melius habere cepit, & intra illud septiduum recuperauit visum oculorum, ac perfectam sanitatem recepit: & baculum quo antea ægræ membra trahebat, reliquit in ecclesia Societatis IESV in memoriam accepti beneficii.

DE MIRACULOSIS

Predictionibus.

EX miraculosis prædictionibus huius Serui Dei Aliquod principaliores etiam referemus.

I. Cum

I. Cum infideles barbari Acceni è Somatra insula Malacani venissent ad prædandum cum classe, quæ constabat nauibus sexaginta, & quinque milibus armatorum; inter quos erant Turcæ, & Iannizeri non pauci: aliquot christianorum naues in Portu Malacensi incenderunt, & in captos Christianos eximie crudelitatis exempla in odium christianæ fidei ediderunt. Quare hortatu P. Francisci Xauerij milites Christiani non amplius triginta supra ducentos in octo naues distributi, barbaros insequuti sunt: licet re in vrbis consilio agitata, ciuibus vniuersum temerarium videretur, tam paucos aduersus tantam classẽ huiusmodi expeditionem suscipere.

Præterea cum Lusitana classis è portu solueret, Prætoria biremis spectante Ciuitate in ipso portu, incertum quo casu, aperitur, & submergitur, saluis tamen militibus. quo infortunio excitatus populus infelicem portendi ratus euentum, temerarium iudicabat, contra validam Accenorum classẽ tam paruo nauigiorum numero velle contendere.

Franciscus tamen Lusitanorum militum animos ad pium bellum accendens: vt Accenos Christi acerrimos hostes superbè abeuntes infectarentur, ijs præcipit: promittens certam Christi ope victoriam: eodemq. die pro vna biremi amissa duas venturas, & classis esse adiungendas, pronunciat. Et ecce ante solis occasum Franciscus à cælo admonitus, biremes duas Lusitanas, vnam Didaci Suarij nobilis institoris, alteram Ioannis eiusdem filij procul in mari conspicit, ex Molucis Patene venientes, instructas militibus, & bellico apparatu: altum tamen tenebant, cursum vltèrius dirigentes, ne vectigal solitum, seu portorium Malacæ pendere cogerentur. Consecundit illico lembum Xauerius: ad Didacum Suarez contendit; cumq. ad bellum suscipiendum pro Christi nomine adhortatur. ille Xauerij rogatu, omni tributo exolutus à Præfecto vrbis Simone Mello, Malacam cum suis biremibus appellit, bellicæ socium se offert reliquis Lusitanis. Hanc igitur tur-

F multuariam

multuariam milirum manum Christi Cohortem Xauerus appellauit. Iuere milites Patris promissis, ac sanctitate freti. Cumq. iam vnus, & dimidiati iuensis spatio nihil de illis sciretur, fama q. ab infidelibus vulgata, nostri ab Aenis trucidari crederentur: ciuitas vniuersa mœrebat, & mulieres viros suos pro mortuis lamentabantur: multiq. ad artes illicitas, & magicas recurrerant: vt aliquo modo scirent, quid tandem de illis actum esset.

Dicigitur quadam Dominica sub finem concionis, ea ipsa die, & hora, qua nostri ad flumen Parles, quod Malaca distat trecentis milliariis, promissam à Francisco victoriam, nō sine miraculo obtinebant, uccisis quatuor millibus barbarorum, & captis, vel demersis cunctis eorum nauibus: postquā Xauerus modicam astantium fidem reprehēdit, Diuini spiritus instinctu ad Crucifixi effigie conuersus, cum effusa corporis actione vaticinans; primum classum congressum verbis describere per ambages cepit, ac si in ipsa pugna præsens adfuisset, auditoribus admittantibus. Postea ardentibus oculis, vultuq. pro pugnantibus orat; factoque deprecandi sine, corporis deficiens iactatione, caput, quasi fatigatus, summa suggesti sponda paulisper inclinauit. deinde inusitata oris hilaritate insurgens: Recitare, inquit, vnum Pater, & Ave, & agito Deo quantas maximas potestis gratias pro victoria, quam nostri hac ipsa hora de Aenis reportarunt: tribus tantum aut quatuor ex nostris in bello desideratis; & tali die vobis adierit ea de re nuncius. Diem etiam definiuit, quo nostri reuersuri erant spolijs onusti.

Vaticinationem multiplici successu exitus comprobauit: nambiduo, triduoue post, eo die quo Pater prœdixerat, nuncius aduenit; nostriq. spolijs onusti dicta subinde die reuersi sunt: collatisq. inuicem rebus, ac circumstantijs omnibus; cōstitit eadem ipsa hora, qua P. Franciscus Malaca in uasta locorum distantia pronunciauerat, victoriam conuigisse illud-

que

que pro maximo miraculo vniuersa ciuitas habuit : cum nisi diuina reuelatione , quæ pronuntiata sunt à Francisco , sciri potuissent.

II. Cum P. Franciscus naui Iacobi Perciræ , cui à S. Cruce nomen erat, ueretur, obortaq. graui tempestate nautæ, ac reliqui vectores timerent , ne procella impetus nauem disceperet, ipse omnes hoc metu liberauit, & eam benedicens prædixit ; nauem illam non in mari tempestatis vi, sed in nauali dissoluendam. Deinde Perciræ nauarcho peritissimo denunciat naufragium alterius nauis , quæ vna cum ipsis è portu soluerat, & breui se illius calamitatis conspecturum indicia. Nec multo post sedata procella, viderunt super vndas tabulas, & cadauera fluentia, certissima dissipatæ nauis indicia.

Cæterum nauis illa Perciræ annos prope triginta P. Francisco superstes, quamuis vetusta, & cariosa, fluctibusq. labefactata, ex tot cursibus, ac tempestatibus incolumis semper euasit ; quin vectores, institoresq. dictæ prædictioni confisi in illam certatim suas merces imponebant ; ac sine metu naufragij, iacturæque vltor, citroq. commeabant : Quocunque appellabat nauis, tumultu, & plausu populi excipiebatur : & tota iam India illam vocabat nauem S. Patris. Demum Duci cuidam Dienfi diuendita , post multas nauigationes cum Coccinum appulisset, ibiq. in nauale subducta esset, vt quasata reficeretur, ibidem se ipsa dissoluta est : & sic Kaucij vaticinationem comprobauit.

III. Cum Xauerius Malaca ad Amboinum insulam traieceret : cum eo profectus est Ioannes de Arausio Mercator Lusitanus. sub idem vero tempus classe Hispanorum vna, & altera Lusitanorum ad Amboinum appulsi, cœpit sæua lues complurimos vtriusq. classis absumere. itaque Xauerius de more res necessarias, & medicamenta à diuitibus conquisita, egentibus egrotis suppeditabat ; à diuite Arausio eiusmodi elemosynas potissimum petens, qui tamen sua tenacius cō-

seruans, iam ægrè præstabat Xaueio frequentius petentis metuens, ne sibi met ipsi aliquando decissent. Vnde cuidam Francisco Palea Xauerij nomine pro infirmo roganti vinū, ægre dedit; adinones, se id Francisco tum quidem dare; sed ea conditione; vt in posterum aliud tale ab eo non postularer. Quod vbi Xaueio nūciatum est ab eodem Francisco Palea: Xaueius repente, quid existimat inquit, Arausius, possessionem eorum, quæ habet, fore diuturnam; & consumpturum se esse suum vinum; errat certo; sciat, se in hac ipsa insula esse moriturum, & eius bona in vsum pauperum cessura. & postea cum monuit, vt libenter pro infirmis petita præstaret, animæq. suæ consuleret: quandoquidem illa esset vltima terra, in quam de naui excensurus erat.

Prædictioni respondit euentus. discedens enim Pater Franciscus ex Amboino in Molucā, in eadem insula reliquit Arausium. Postmodum cum in Ternate insula, quæ vna est ex Molucis, post multos dies sacrum faceret in magna populi frequentia: post offertorium, conuertens se de more ad populum dixit: Orate fratres pro anima Ioannis de Arausio, qui modo in Amboino expirauit; & commédate illam Deo: heri sacrum pro illo feci, & hodie iterum facio. ad hæc mirati, qui aderant, post mutuos præ stupore intuitus, quæsiuere inter se; qua tandem ratione id scire Franciscus potuisset; cum ab eo loco distaret Amboinus passuum millibus amplius ducentis; & neminem per eos dies inde venisset constaret. admiratione deinde in expectationem versa, notatur res diesq. ab ijs, qui audierant: & tamdiu fuere de re dubij, donec intericctis duodecim diebus, naui ex Amboino, vectus Raphael Caruallius, Arausij mortem nunciauit: id quod etiam ex literis à Ioanne Derio ad Xaueium missis, & à Caruallio delatis certo constitit; illum nimirum esse mortuum in loco Tibiquisanis eiusdem insulæ: & temporibus præterea, ac rebus inter se comparatis; omnia cum Francisci prædictione congrue-

congruere comperta sunt. Quare nemini dubium fuit, quin id Xauerius diuinitus cognouisset. adeoq. illum, tanquam prophetiæ dono præditum, omnes suspicere cœperunt.

IV. Meliapore quidam mercator erga Patrem Frânciscum maxime pius illum salutauit in digressu, volens nauigare Malacam: instanterq. petijt aliquid, conseruandæ illius memoriæ causâ: Xauerius e collo detractam precariam coronam ei dedit, commendans, vt eam magni æstimaret; & simul ei promisit, quod quandiu illam apud se haberet, non esset in mari periturus. quod ita prorsus euenit. Nam in ea nauigatione; cum iam esset propè Malacam, longissimè à Meliapore: nauis, qua uehebatur, vi tempestatis abrepta in mari perijt; & deficiens mercator cum nonnullis alijs vectoribus in tabulata, quæ ex lignis raptim ecompofuerant, in alto mari alienato à sensibus animo deliquium, seu animi extasim passus est: in qua sibi videbatur proprijs oculis inspicere P. Xauerium, & cum illo colloqui in eodem loco, à quo profectus fuerat, & à Xauerio acceperat precariam coronam. demum quinto post die, ex quo defiliijt in ea tabulata, ab illa animi extasi, velut ab alto somno experrectus, repenti se vidit in littore Negapatani propè Meliaporem saluum, & incolumem, ereptum à fluctibus, amissis, marique absumptis reliquis omnibus, qui cum eo in tabulata defilierant: quia neq. amplius illi, neque ea comparuerunt.

V. Cum Pater discederet ex Moluco, & traiceret in insulam Mori, latis omnibus, qui nauigio uehebantur: in medio cursu certo quodam die quasi indignas surrexit, & scindens vestem exclamauit: IESU, illi homines, qui occidunt illos homines: cæterum vectores nouitate permoti, ad Xauerium occurrunt: & quid rei esset, percunctantur: tùm ille in se rediens, re dissimulata, nihil esse respondit. Vêrum cum nauis ad insulæ portum appulit, comperiunt quosdam Lusitanos in littore à latronibus fuisse interfectos

eo ipso tempore, quo Pater prædicta verba protulerat in naui.

VI. Ioan. Durus Mercator adolescens ex Ceilano profectus in urbem S. Thomæ, conuenit P. Franciscum Xa uerum : ut cū illo confiteretur. confessione peracta à Francisco petit: ut semet vitæ socium accipiat; quod tandem post multas preces obtinuit; & opes suas in pauperes distribuere cœpit. postea tamen à communi hominum hoste sollicitatus, à Francisci obedientia se abduxit; & cum in quædam peccata incidisset, mercibus in nauiculam occultissimè impolitis, Xauerio infcio, ut credebat, parabat fugam. tum Pater occultæ fugæ cōsiliū diuinitus cognoscens, subito per puerū cum iam iam è porta soluturum ad se vocari iubet: quo nuncio vehementer admiratus constitit; dubius quid ageret: sed rem dissimulans tandem decreuit ad Franciscum vocantem ire: quem vix limen domus attingentem, aspiciens Pater, Peccasti, inquit, peccasti. Quibus ille auditis submisso capite respondit; verum est, peccaui: cui adiunxit Franciscus, Accede igitur ad confessionem, quibus verbis Durus adeo fuit commotus; ut domum profectus, eo ipso die nauigium vendiderit; & facta confessione, atque in pauperes mercibus distributis, socium in se, ut antea, Xauerio constanter adiunxerit.

Cum illo itaque traiecit in insulas Molucas, & iterum Malacā venit. inde in desertam insulam delatus, cum in ædo quadam sacra moraretur de nocte: grauiter tentatus fuit à demone: & (incertum vigilans an somnians) insolita aliqua vidit. nec ita multo post, cum sua delicta de more confiteretur, visionem celauit. at Xauerius rediuitus cognita in confessione, ex eo quærit, quidnam rei in desertæ insulæ templo ei contigerit. nihil vero, inquit ille: cum Pater instaret iterum, & scæptus: semper visionem celauit. tandem Franciscus, ut vidit illum ex composito visa celare: ipsemet omnia enarrare cœpit. quod audiens Durus, obstupuit: & cognouit Deum in

Franc.

Francisco habitare : ac demum cū illo redijt in gratiam : cui postea Xauerus denunciavit, fore vt Franciscanorum institutum, ac disciplinam amplecteretur, ibique æternam salutē esset consequuturus. Prædictioni non defuit euentus. Durus enim Religionem S. Francisci ingressus est.

VII. Cum Xauerus aliquando Machai apud Sinas Petrum Vellium latrunculis ludentem in domo aliena conueniret, ab eo perijt electrosynam ad opus faciendum : ei Vellius tradidit clauem arcæ nummaria, auferre iubens, quot vellent nummos. Xauerus adijt domum illius, & tercetis nummis aureis ex arca depromptis, Vellio reddidit clauem. qui rediens domum, & aperiens arcam nummariam, nullam pecuniam ex ea cognouit defuisse : & sciscitantiā Xauerio, quantum auri abstulisset, Pater respondit, se deprompsisse tercetos aureos : cui Vellius se reperijisse dixit omnes, quot quot habeat in arca nummos, nullosq. defuisse : addiditq. & se arcę clauem eo animo tradidisse, vt ex æquo dimidiam triginta millium aureorum, qui aderant, partem sibi demeret : cui Xauerus : Ego vero tibi Velli in Dei nomine polliceor, nunquā Deum tibi defuturum dum vixeris, & tibi semper suppeditaturum abundanter ea, quæ tibi opus erunt ; & omnes tibi liberali animo, & voluntate largituros : quinimo diuinitus supremum vitæ diem agnoscēs. Nec Vellium Franciscus fefellit : quia licet ei acciderint multa, quibus esset casurus in paupertatem, nisi omnes eum liberaliter iuuisent : nihil tamen illi aliquando pro se, & pro sua familia defuit.

Multos igitur post annos diuinitus de instanti morte Vellius præmonitus rem suam familiarem magna ex parte in pauperes prius diuisit : missas celebrari pro anima sua iussit : propinquis, & amicis vltimum vale dicens, Xauerij prædictionem, eiusq. euentum latus ipse exposuit, qui eum delirare credebant. At vtro cum interfuisset missæ, solemni ritu defunctorum celebratz, ipse se in feretro composuit rapete coopertus

peritus, mortem senex expectans. Finita missa, & dicto à Sacerdote responso, Requiescat in pace: accurrerunt famuliculus, ut auferrent tapetum, credentes viuum esse: sed ille iam animam creatori suo reddiderat: quæ res comprobauit Xauerij vaticinationem.

Hæc sunt, Pater Beatissime, quæ ex legitimis actis huius causæ dicenda fuerunt de vita, & moribus Serui Dei Francisci Xauerij Societatis IESV; ac de miraculis illius intercessione, & meritis factis. Quibus latius in pluribus Congregationibus diligenter perpenfis, atque discussis, Cardinales Congregationis Sacrorum Rituum in eam sententiam vnanimis venerunt: Posse S.V. (si ei placuerit) ad vltiora procedere, & Canonizationem Serui Dei Francisci Xauerij iuxta Sacros Romanæ Ecclesiæ ritus perficere, & solemniter celebrare.